

الأمير الفقير | الشيخ محمد خيري سلسلة في قصصهم عبرة

محمد خيري

السلام عليكم ورحمة الله وبركاته الحمد لله رب العالمين له الحمد الحسن والثناء الجميل واهشهد ان لا اله الا الله وحده لا شريك له واهشهد ان محمدا عبده ورسوله وبعد - 00:00:01

ما زال الحديث عن سعيد بن عامر رضي الله عنه واسأله الله سبحانه وتعالى ان يرزقنا محبة هؤلاء سعيد بن عامر قلنا ان كان في نقطة تحول في حياته اه سعيد رضي الله عنه - 00:00:16

في حد بيسأل يقول ان الزوج ممكن يسمع؟ طبعا لازم يسمع يشرفنا ان هو يسمع يعني ربنا يجمعكم على الخير فبنقول ان سعيد رجل نقطة تحول في حياته كانت هي دي بداية الهدایة - 00:00:35

كانت النقطة ديت ان هو شاف حبيب ابن علي يعني في موقف لا يحسد عليه هذا الموقف كان انتقام من النبي صلى الله عليه وسلم انتقام من المنهج في صورة - 00:00:52

آآ شخص اه خبي رضي الله عنه لما اخدوا خبيب وارادوا ان يساوموه ويقولوا له انت تحب ان يكون محمد مكانك وانت تكون امن في بيتك وانت ناجي فقال لهم الكلمة المشهورة جدا والله - 00:01:10

ما احب ان اكون امنا وادعا في اهلي وولدي وان محمدا صلى الله عليه وسلم يؤخذ بشوكة وكان ده ايمان في السمع المهم الكلام ده سبحان الله فرق جدا جدا مع مين - 00:01:31

مع سعيد بن عامر وسعيد بسبب الكلام ده قرر ان هو لابد ان يكون ياخذ قرار مع الاستقامة وبالفعل شرح الله صدر سعيد واعلن في الملا انه قد اسلم واعلم برائته من اثام قريش واوزارها. وخلع الاصنام - 00:01:49

انت ممكن يجي عليك وقت فعلا تاخذ القرار ده امتي الانسان بيأخذ القرار ده يا جماعة امتي الانسان بيبدأ ياخذ قرار حاسم زي الایه زي ما سعيد اخدتهم. ايه اكتر حاجة ممكن تساعدك انك تاخذ القرار دوت - 00:02:12

من الحاجات المهمة جدا انها تساعد حضرتك انك تاخذ القرار ده انك تجاوب على سؤال هو الطريق اللي انا ماشي فيه ده اخرته ايه يعني انا كان حد بيأساني على رياضة ما - 00:02:29

بيقول لي هل الرياضة دي فيها مشكلة ولا وان انا اكمل فيها وآآ اللبس بتاعها وهي اخت يعني بتسألني على الرياضة طبعا هي الرياضة لا يخفى عليكم ان الاسلام اه حبذ ورغم في ان الانسان يهتم بجسده وان لجسده عليك حق - 00:02:50

وان المؤمن القوي خير واحب الى الله من المؤمن الضعيف وفي كل خير المعنى ده مش محتاجين نأكذ عليه لان هو راسخ في ازهابنا لكن ان يا جماعة كل واحد - 00:03:13

لازم يسأل نفسه سؤال ان اه المهم والاهم هل الرياضة دي تتناسب مع فطرتي ام لا يعني خلينا نقول ان المصارعة رياضة لا اه ليست محرمة شرعا لو قولوا لنا ان المصارعة ليست محرمة شرعا - 00:03:25

هل المصارعة ديت انا لي كأنسان ولد آآ انا تتناسب مع فطرتي يعني انت تتناسب كده مع فطرة الانسان والشفقة والرحمة ولا فقه ولا فكرة الغابة بقى وان القوي يكسب الضعيف والقصص دي كلها دي فكرة غبية بامتياز - 00:03:43

هي لا تتناسب مع الفترة في الاماكن السوية فقبل ما انا اسأل عن دايما الحكم الشرعي او خليني اكون اكتر دقة عندما اسأل عن الحكم الشرعي لابد ان استصحب مفاهيم الفطرة - 00:04:05

مفاهيم الفطرة مفاهيم بالانسجام مع لان في صراعات كتير خاصة ايه؟ في الزمن اللي احنا فيه هي صراعات فطرة قبل ان تكون

صراع شرعي يعني على سبيل المثال ان في ولد لابس لي شورت - 00:04:20

آآتحت الركبة تحت الركبة ديت يعني بالنسبة له هو تحت الركبة. يعني احنا احنا بالنسبة لنا الشيء اللي متغطي فوق الركبة عشان بس المفاهيم دي تبقى مطبوبة لان تحت وفوق ديت ممكن يشيل طب ما هو ماشي كوييس اهو - 00:04:37

اه بيقى في شاب ماشي كده في الشارع آآبعيد عن الناحية الشرعية. انت حاسس كده انك في الاطار الفطري يعني هي دي الرجولة مسلا انت حضرتك كده ان دي رجولة انك تبقى ماشي كده وبالطريقة ديت - 00:04:51

ففي حاجات كتير الواحد يحتاج ان يراجع نفسه يقول لك ايه اللي فيها؟ ايه اللي فيها؟ عمال انزل مسلا بحاجة كت كده وشورت زي اللي كده اريح الشيخ يعقوب مرة في يوم من الايام - 00:05:08

داخل على اخ كده بيلعب بلاي ستيشن بعد صلاة العشاء فالشيخ راح يصلي فيبيقول له ايه؟ يا ابني يلا يا حبيبي انت لسه قاعد بتلعب

يلا فقل له يا شيخ حاضر يا شيخ هي الدنيا طارت يعني لسه عاوز يقول له الاقامة لسه يعني فيبيقول له الدنيا طارت فالشيخ ابتسם

قال له ايه؟ الآخرة اللي طارت. الدنيا موجودة - 00:05:22

فاحيانا انت تيجي تقول لي ايه اللي فيها فيها فيه معاني ضخمة جدا جدا متاخدة منك بس انت مش واحد بالك يعني فكرة انك ما تكونش صاحب حياء انا مش هحبها لك - 00:05:41

ما حبس لك كده تبقى انت انسان ما شاء الله طول في عرض كده والمروءة عندك ضايعة ان الحياة عندك مش كوييس. انك تقدر مع

ناس اكبر منك سنا وعقلا وحكمة وكل حاجة وانت حاطط رجل على رجل قاعد عمال تهز رجلك. يعني - 00:05:53

يعني لا يليق. ما تجيش تقول لي هو ايه اللي فيها حرام او ان ده دي طبعتي او ده كذا فيه حاجة اسمها العرف آآالايمان والحياة

قرینان طب ما كان الايمان وخلاص لأ الحياة للايمان جميل. بس الحياة ويمكن انا قلت الكلام ده قبل كده. عورة الرجل من السرة

للركبة؟ طيب - 00:06:10

الخلاف المشهور بس خلينا نمسك في الاطار ده. ينفع واحد كده مسلا ان انت تبعتي ابنك او زوج حضرتك او اخوكي او والدك او اي حاجة ينزل مسلا يروح الهاير ولا يروح يجيب اي حاجة - 00:06:31

نازل كده مغطي بس من السرة للركبة وكل حاجة عادية ينفع طيب ليه لا ليه لا؟ يعني انت دلوقتي ماشية في الشارع لقيت واحد عادي جدا لابس كده شورت اسلامي ومغطي من سرتة ركبته. الرجل ده يا جماعة دلوقتي مغطي العورة - 00:06:41

مغطي العورة وعداه العيب لا العيب ما عداهوش. طيب ليه بقى؟ لان الدنيا ما بتتحبسش ايه اللي الصح والغلط وفقط ماشي؟ الصح والغلط؟ لا فيه ابعد تانية لازم نراعيها لازم ننتبه لها. كما قال النبي صلى الله عليه وسلم كيف وقد قيل؟ ويقول لهم حتى لا يتحدث الناس ان محمد يقتل اصحابه - 00:06:59

مش كل حاجة تقول ايه؟ احنا ما لناش دعوة بالناس. لا في حاجات مهمة جدا جدا ناخد بالنا منها انا النهاردة بنت اه جميل بتمارس رياضة رائع. بتعمل ايه بقى في الرياضة؟ انا بلعب كرة قدم - 00:07:25

والله انت لو بتقولي لي انا بلعب كرة قدم انا وعمتي فوق السطح وقافلين على انفسنا هقول لك لا احب لك هذه الرياضة خلاص لو انت وعمتك فوق السطح اقول لك انا مش حابب لك الرياضة دي ليه؟ لان الرياضة دي لوحدها كده فيها سرقة انسى - 00:07:43

وطبعا اللي حضر معى محاضرة استرداد الهوية الانسوية فاهم كوييس انا بقول ايه؟ استرداد يعني اتسرقت. في حاجة اتسرقت منك فلما بيكون في حاجة اتسرقت منك طبعا انا بتكلم على العام مش يجي واحد يقول لي طب واللي لابس شورت عند البحر ما هو ده زيه يعني ده الذي بتناعه - 00:08:03

يعني وبرضو يكون في اداب معينة يعني. خلونا بس يعني نتكلم في الفكرة ولا نشوش عليها بالاستثناءات. خلونا نمسك فكرة كصورة مركبة فانا النهاردة بيجي واحد يقول لي طب ايه الرياضة المناسبة للبنات؟ انا قبل ما اقول الرياضة المناسبة انت لازم تشرب الفكره كوييس. لازم تشرب الفكره كوييس. انا يا جماعة مش فاتح نادي وبروج - 00:08:21

لرياضة معينة في ازهانكم خلوني بس اتفقوا معي وافهموا الفكرة كويس قوي الفكرة فين؟ ان انا النهاردة اما اجي اجي اقول ان انا هلعب كرة قدم. هذه اللعبة كده بعيد يعني بعيد عن الايه - [00:08:41](#)

بعيد عن فكرة الحل والحرمة دلوقتي. هل اللعبة دي تتناسب مع فطرتي كأنشى ام لا رفع الاتصال تتناسب مع فطرتي كانسى ام لا ماشي؟ الحاجات دي لازم انت تبقى متفق معها فيها. طيب ده السؤال الاولاني. السؤال الثاني - [00:08:58](#)

السؤال الثاني معندي يا جماعة خلوني بقى اهدوا بس علي. اهدوا علي الله يكرمكم. يا جماعة اللي بيلاعب لعبه اللي بيلاعب لعبه. انا مش جاي دلوقتي اقول لكم ايه اللعبة الحال واللعبة الحرام. بيلاعب لعبه ما يقلقش. انا مش هاقول - [00:09:20](#)

للباب خلاص؟ انا مش عارف اعيش بقى وهو كل واحد بس ياخد باله من الاسئلة دي انا مش معندي اجابات لها. خليني ان انا اقول لك انا بخربش بخربش في عقلك - [00:09:33](#)

خلاص؟ انا لا بقول لك ان ان الاسئل اه حلوة ولا وحشة دلوقتي؟ خليني انا بسأل اسئلة واجاباتها عندك انت ازن يعني انا انا كده عداني العيب ان خدتك انت اللي تحكم على نفسك - [00:09:44](#)

يبقى اول حاجة انك تسأل نفسك سؤال هل اللعبة دي تتناسب مع فطرتي ام لا؟ يبقى دى النقطة الاولى. اتنين الطريق بنطاع اللعبة دى. اخرة اخر الطريق ده هيكون ايه - [00:09:57](#)

يعني خلاص انا لقيت ان اللعبة دي تتناسب مع فطرتي ومختلف معك خلاص هو كرة القدم خاصة لما تبقى باك شمال هتناسب جدا مع فطرتك او تبقى مسلا صانع العاب - [00:10:12](#)

تناسب مع فطرتك. هنعدى اللقطة دى؟ اه اخرة الطريق ده ايه ولو هنمشي لآخر الطريق ده خلينا كده بعد عشر سنين ه تكون ايه بمسل منتخب آكوااللمبور البرانى في صانع الالعاب في - [00:10:26](#)

مش عارف كاس عالم ايه طيب انت بقى كامرأة هتمسليمهم بقوانيتهم وسقاقة والسقاقة بتاعتهم ولا بسقافتك؟ يعني مسلا تقول لهم لو سمحتم اي نعم انا صناعة العاب اه وانا اخترت اه - [00:10:45](#)

وان اللعبة دي تتناسب مع فطراتي اه لكن فكرة اللي انا اجسد جسمى وان الرجال تشويفي لا لو سمحتم انا النهائى بتاعي والكرة بتاعتي اللي انا همارسها ه تكون في مغطاة - [00:11:01](#)

وان المدربين بنات وان كاس العالم كله اللي هيترج علينا بنات وانا هلعب بالاسدال لو سمحتم عشان ما يبقاش فيه اي اخطاء اه ده في الفردوس الاعلى ده ممكن تعمل كده - [00:11:15](#)

اذا انت لازم تبقى مدرك بقى اللعبة متناسبة جدا مع فطرتك وان اللعبة ما فيهاش مشاكل شرعية دلوقتي بس بكرة في قوانين من غصب عنك هتحاسب عليها يا جماعة شفتم قبل كده في واحد بيلاعب كرة قدم وهو لابس بنطلون غير الحارس - [00:11:31](#)

كان زمان كمان شفته قبل كده في حد لابس بنطلون غير الحارس ليه؟ هو قانون كده هو القانون كده واصلة الفكرة؟ ده القانون بتاعها طيب شفتم بنت قبل كده بتلعب يد او بتلعب سلة او بتلعب طيرة - [00:11:50](#)

او بتلعب اي حاجة من اللي بيلاعبوها حمل اتقال وكمد لابسة اسدال الصلاة انا شفت انا كمحمد انا شفت انت شفتم بقى انت ما شفتوش صح؟ انا شفت قبل كده. ماشي؟ شفت اطفال صغيرين بيلاعبوا ايه؟ طيرة على السطح. ايه؟ وهم لابسين الاسدال. لكن - [00:12:07](#)

في قوانين في قوانين هؤلاء مش موجودة فاحنا اكيد اما يكون عندنا وانا بحكم على شيء اكون عشان نفهم بس يعني ايه فكرة سعيد ابن عامر وانا بقول لكم امتنى الواحد ياخد القرار؟ الاسئلة دي بتريح جامد ان شاء الله. طبعا انا بتكلم مع حد صادق عاوز يقف مع نفسه يعني. اما اللي هيده يبحس عن سلة - [00:12:26](#)

سلام طوارى هيلاقى يعني والتبيرير لن يريك التفصير فبنقول ان الطريق ده تسأل نفسك يعني مسلا كتير جدا من الشباب يجي يقول لي لعب الكورة وايه اللي فيه. وان انا اكون لعيب كورة مشهور جدا والكلام ده. فانا اقول له طيب هي تتناسب مع - [00:12:50](#)

حضرتك لا شك لكن الطريق ده بعد خمستاشر سنة ه تكون ايه فيقول لي ه تكون عادل ممكن ابقى زي محمد صلاح والكلام ده. طيب خليني انا اتنزل معك بقى اقول لك كم واحد - [00:13:06](#)

كان في سيدنا محمد صلاح وكانوا عايزين يلعبوا كورة وكان نفسه هيبي مشاهير مليون. مين اللي عدى؟ اتنين ثلاثة. مين قال لك بقى؟ ان انت هتبقو من الاتنين ثلاثة دول - [00:13:17](#)

طيب واخرة الموضوع ده ايه انت تعرفوا حد بيلاعب كورة بعد سن الأربعين بعد التأمين خمسة وتلاتين ما فيش نادي الجد ان بعد خمسة وتلاتين لاربعين. طيب انت هتروح فين؟ يعني من الناحية الدنيوية انت هتروح فين - [00:13:29](#)

انا مش عاوز اقول اسماء لعيبة انا عارفها. هزه اللعيبة دلوقتي على درجة كبيرة جدا من التسول وحالتهم كرب ومشاهير جدا. يعني انا ايام انا ما انا كنت بتفرج على كورة كانوا هم دول النجوم ايامي - [00:13:42](#)

بس ليه؟ لان هي لعبة يعني هو ما ينفعش تبقى دي مستقبلك يعني حتى من الناحية الدنيوية ما ينفعش يود ابوه مستقبل ده يجييك رباط صليبي اقعد خلاص تاخذ لك كده سنة تعالج على طول حد يمسك مكانك ترجع بقى في حته تانية خلاص. ده انا لو سلمت بقى ايه ان ما فيهاش اي مخالفة ولا اي مضيعة للوقت - [00:13:56](#)

انت ما فيش اي حاجة ان هي مجرد مهنة بس فترجع لايه للفكرة ان هل تتناسب مع هويته؟ الطريق ده اخره ايه انا بلعب طايرة تعرفوا بنت بتلعب طايرة باسدال الصلاة - [00:14:18](#)

في خلاف بين الايه؟ بين المؤسسين للفكرة. لكن هنقول اه في بنت بتلعب بايه بالكلام ده. طيب بعد عشر سنين ه تكوني ايه امسلك منتخب مصر فين الموضوع ده جميل جدا هتمسلي منتخب مصر وهنقول اللي مش هيترج عليكي الا ايه نساء هي عملوا تطبيق كده ان اي ذكر خلاص التطبيق بيعرفه على طول بيقول له اتق الله مش هنخليك تشووف - [00:14:32](#)

لان اللي جاية ديت اخت فهنقول جدلا بقى ان كل ده ان ما حدش هيشفوه ايه؟ زي حضرتك هنرجع بقى لموضوع الفلوس وموضوع الماديات وموضوع موضوع موضوع. فالموضوع يا جماعة بيبقى خطير جدا - [00:14:53](#)

طب دي انسى بقى كل الكلام ده وان ما فيهاش معاصي خلاص ما فيهاش معاصي وان فلوسها حلال حلال ماشي؟ وان هي عملوا تطبيق مش هيشفوك الا الرجال الا النساء - [00:15:08](#)

جميل جميل قوي لو دخلت قبرك لو دخلت قبرك ولقيت انك اضعت حوالي خمسة وعشرين خمستاشر تلاتين سنة في الحنة ديت بحيس انك هتفتخر قدام محمد بها تقول له يا رسول الله - [00:15:23](#)

آآ بنتي بنتي ايمان دي كانت احلى باك يمين في منتخب كرة السلة. قصدي كرة القدم في فريق كزا وآخدين بالكم الجملة السؤال الاخير ده بقى هو اكتر سؤال بيخليلك تقف - [00:15:45](#)

وترجع لسعيد بن عامر هو اول ما يستحضر يا جماعة ان في اخرة وادخل قبر والملفات هتفتح فتعالى انت قضيت ايه؟ انا عشت يا رب من بعد البلوغ لغاية ما مت - [00:16:05](#)

تمانية وتلاتين سنة تلتهم في البحس عن قوت اولاده او نصهم والربع كنت نايم والباقي كنت مهموم بكزا وكزا وكزا وكزا وكزا طيب انا خليني بقى مع الشاب اللي كان قاعد امال مقتضيده ده مش هنقول هيتحاسب عمل مباح - [00:16:24](#)

يا سيدى عمل مباح وعادى ما فيهوش اي مشكلة زي ما بيأكل وبيشرب وبيعمل اي حاجة اما بيجي يقارن نفسه بقى بيجي بقى عبد الرحمن وعبد الرحيم. دول تؤام عبد الرحيم بقى كان لاعب مشهور جدا جدا جدا - [00:16:50](#)

عبد الرحمن ده راجل ركز في حاجة. بيجي بقى يوم القيمة مين فيه بي عمل ايه ومين اللي كسب ومين اللي خسر ومين ومين ماشي فالسؤال ده ضاغط جدا جدا عليك ان هيريحك - [00:17:06](#)

هيريحك اوبي انك اما تكون ايه مستحضره سعيد رضي الله عنه انتبه للنقطة ديت طبعا انتم كلكم دلوقتي خارجين من اللقاء ومن النقاش اللي انا بتكلم فيها ده ان اللعب حرام صح؟ ان ممارسة الرياضة حرام - [00:17:22](#)

براحتكم انا راجل عادي جدا انا بلعب انا بمارس الرياضة الحمد لله انا بمارس الرياضة لا في حته ان ان هي انا ما قلتش كده خلاص.

لكن هي بالزبط زي الملح - 00:17:39

زي الملح. الملح ده بيتحط الفين ويبيتحط اد ايه لكن انا حياني كلها تبقى في الحطة دي وتناني حاجة ان هو ملح حلال ولا انا واحده من الایه من سوبر ماركت كده بدون ما الرجال ياخد باله مش حسيبته - 00:17:53

سعيد رضي الله عنه هاجر الى المدينة ولزم النبي صلى الله عليه وسلم وشهد معه خيبر وما بعدها من الغزوات ولما انتقل النبي صلى الله عليه وسلم الى جوار ربه - 00:18:11

وهو راض عنه ظل من بعده سيفا من بعد النبي صلى الله عليه وسلم. دايما سيفه مسلول في ايدي خليفة ابو بكر وعمر وعاش فريدا فذا للمؤمن يعني عاش مسل - 00:18:27

اي حد يشوفه يقول لك هو ده الانسان الجميل اللي ممكن الانسان يعني يقلده. كم خليفة رسول الله صلى الله عليه وسلم ابو بكر وعمر عارفين دي سعيد الصدق بتاعه والتقوى بتاعته - 00:18:45

وكان دايما بيحبوا يسمعوا نصح في يوم من الايام دخل على عمر في اول الخلافة بتاعت عمر قال له يا عمر اوصيك ان تخشى الله في الناس ولا تخشى الناس في الله - 00:19:00

والا يخالف قوله. فان خير القول ما صدقه الفعل. يا سلام على الكلام الجميل يا جماعة ده بيكلم مين ده كان بيكلم مين بيكلم واحد صاحبه ولا بيكلم امير المؤمنين؟ امير المؤمنين ده مش اللي ماسك الحبي بتاعك ولا ماسك المحافظة ولا ماسك الوزارة ولا ماسك الدولة ماسك كل بلاد المسلمين - 00:19:16

وازاي يقول لك قد ايه جمال الاسلام وحلوه الاسلام ومحاسن الاسلام. ان الاسلام يسمح لك انك تكون عايش في امن وامان حتى خليفة المسلمين انك ممكن تتصحه نصيحة في غاية الادب والرقي. وانك تقول له اوصيك ان تخشى الله في الناس - 00:19:43
ولا تخشى الناس في الله. يقول لك ما تشغلش بالك بالناس ركز على ايه؟ رب الناس والا يخالف قوله فان خير القول ما صدقه الفعل يا عمر اقم وجهك لمن ولاك الله امره - 00:20:05

من بعيد المسلمين وقربهم يعني خليك دايما قريب من المسلمين سواء كان بعيد ولا قريب واحب لهم ما تحب لنفسك واهل بيتك واكره لهم ما تكره لنفسك واهل بيتك وغض الغمرات الى الحق ولا تخف في الله لومة لائم - 00:20:23
انت لو مكان عمر تقولوا له ايه ها لو انت مكان عمر بن الخطاب تقولوا ايه جزاكم الله خيرا. جميل. وايه كمان؟ تمام قصدك ايه؟ جميل. انت ازاي تقول لي كده - 00:20:48

نقول له اتق الله اقبل رأسه طب اللي قال ان انا هقول له جزاكم الله خيرا واقبل رأسه واسكره تسأل نفسها بقى هي بتقبل النصيحة الخشنة اما بتقبلهاش يعني احنا لو جبنا دلوقتي زوجها واولادها والناس اللي حواليها - 00:21:04
وقلنا لهم دلوقتي ماماتكم او باباكم او اختكم او عمتكم او انتكم ايا كان. بتقبل بسهولة انك ممكن تعاتبها وانها تقبل النصح ولا ياما حصل وياما حصل مش عارف ايه. كل واحد بقى عارف. قال عمر له - 00:21:23
عمر بقى ما قالوش آآآانت على فكرة يعني بص يكفي اللي النبي عارفني ويكيبي ان ابو بكر مات وهو راضي عنى لكن سبحان الله ماذا قال قال ومن يستطيع ذلك يا سعيد - 00:21:44

بيقول له ايه؟ هو مين يقدر على اللي انت بتقوله ده يا سعيد قال يستطيعه رجل مثلك ممن ولاهم الله امر امة محمد وليس بيته وبين الله احده سبحان الله يا جماعة - 00:22:03

كلام نفيس عاوز اعلق عليه بس عشان الوقت هعديه بس هو كلام كبير اوبي اوبي عند ذلك دعا عمر سعيد قال له بما انك بقى بتقول لي الكلام الجميل ده طبع تعال بقى انا عاوزك - 00:22:22

فدعاه الى مؤازرته وقال يا سعيد مؤازرة ان هو يساعدك يعني. الوزير يعني من الوتر ان هو يشيل الثقل عنه يعني قال يا سعيد انا مولوك على اهل حمص بس خلي بالك هو مش بيوليك شوف شوف ده عندهم ان الدنيا ماشية ازاي - 00:22:38
مش عشان بيعدني له وبيبني عليه وقاعد اومال يمدح فيه فيقول له لا انت انسان كوييس انا هديك حاجة لا لا عمر احنا احيانا في

المؤسسة كده برضو تلاقي مدير مدرسة - 00:23:01

يدي الترقية لمين عندها اما تلاقي بقى ان ايه اللي قعد يهزر واللي قاعد كل شوية وسع الدكتور جه وسع المدير جه ومش عارف ايه والله ده انت دخلتك علينا مش عارف بايه - 00:23:15

الكلام الجميل ده لا لكن هو ولاه لمن نصحه وشبه عاته يقول لك ده انسان انا حابب ان يكون جنبي حد كده لان النبي صلى الله عليه وسلم يقول من ولاه الله من امر المسلمين شيئا - 00:23:29

فاراد به خيرا جعل له وزير صدق فان نسي زكره وان زكره زكر اعاته من نسي زكره وان زكره اعاته هو ده يا جماعة ده المهم انك تكون دايما لاخيك كده دايما تذكره تقول له خلي بالك بذكر حضرتك بكذا ولما تذكره تعينه - 00:23:47

في بعض الناس عامل زي الزبابة قاعد تخصصه ايه؟ على فكرة في غلطة هنا. على فكرة مش عارف في كذا. على فكرة هو استاز بينقد بس. بينقد بالضاد كمان نقد نقد لكن ما تلاقيهوش خالص في الاصلاح - 00:24:09

طب يا سيدى فعلا احنا اخطأنا والمؤسسة مليانة مشاكل طيب ايه اقتراحات حضرتك للحلول لا انا والله تخصصي هدم مرة بقول واحد طيب المؤسسة دي كلها مليانة مشاكل وان الناس دي كلها عندهم ازمات - 00:24:25

انت تتصح به قال لي انصح انهد المعبد على اللي فيه وبعدين نبدأ على نصافة وانا بقول لكم ده هيجب البدوزر وبهد. وبعد ما يتهدر هيروح ماشي بس قلقانة ان لصري ان يرتاح. في ناس عايشة كده - 00:24:42

في ناس مستمتعة ب kedde هو ودايما سبحان الله ما بيتكلمواش وما بيتكلمواش الا مع الناس اللي شغالة. يعني مرة في واحد كان دايما ينزل مقاطع يعلق على ناس مش عجباه - 00:25:01

وينقده. فانا قلت له مرة نصحته قلت له بقول لك ايه؟ طب ايه رأيك ما تخلி ان الدنيا يبقى فيها توازن نزل مقاطع عن الحاجة اللي مش عاجباك ومقاطع اقتراحات للبناء - 00:25:18

قال لي لا فبقول له ليه قال لي انا دلوقتي مش مركز في البناء. انا مركز ان انا اهدم هؤلاء فالعقلية ديت بعيدة عن المشكلة الشرعية كمان عندها كلكتارات نفسية - 00:25:30

يعني ده فيه كلكتة نفس يعني فيه مشكلة يعني الترس جوة محظوظ عكسي في مشكلة غلط جوة فعمرا قال لسعيد ايه؟ يا سعيد انا مولوك على اهل حمص فقال يا عمر - 00:25:44

جزاك الله خيرا والصراحة يعني انا برضو كنت قصدت بالنصح ده انك تاخد بالك مني يعني عشان تعرف بس اللي قدامك الله لك الحمد يعني في ناس بتتفكر يعني وان في اخوة كتير انت حضرتك مش واحد بالك منهم - 00:26:03

لا لا لا. قال يا عمر ناشدتك الله الا تفتني قل له يا اخي بالله عليك ما تضيعنيش سبحان الله لكن عمر هو دلوقتي سعيد يتشفوف للصدارة ولا خايف منها - 00:26:18

سعيد الان يتشفوف ولا خايف؟ خايف من المسئولية و خايف من الصداره. قاعدة بقى اذا كلف الله كفل اذا كلفك الله كفلك واعانك واذا انت طلبتها وكلت الى نفسك انك قاعد عمال تطلب على فكرة انا وممك امسك الادارة. انا اللي ممكن اكون انا المدير. انا اللي ممكن اكون كذا - 00:26:41

تفرق كتير غير ما الناس نفسها هي اللي تقول لك ايه؟ والله احنا شايفين انت اللي ممكن تمسكها تفرق كتير عمر عارف ان سعيد من اصحاب العقيدة واصحاب العقيدة لابد ان يكونوا قريبين من اماكن التوجيه - 00:27:07

جميل الباب ده مهم جدا طيب اللي يجي يقول لي ان سيدنا يوسف طلب رغم ان الكلام ده احنا اتكلمنا فيه كتير قبل كده لكن خلينا نقول طالما ايه ان في ناس عندها الاشكال ده - 00:27:26

اول حاجة ان احنا بنقول شرع ما شرع من قبلنا ليس شرعا لنا شرع من قبلنا ليس شرع لنا. الا ان يأتي في شرعنا ما يوافقه ماشي؟ دي القاعدة الاولى ان شرع من قبلنا - 00:27:41

ليس شرع لنا ما لم يأتي في شرعنا ما هو موافق له وقد اتي في شرعنا شيء النبي صلى الله عليه وسلم قال لابو موسى لا تطلب

الامارة. جميل يبقى ده النقطة الاولى - 00:28:00

النقطة الثانية انه يوسف كان في مجتمع كله بعيد عن الله ليس مسلم وهو رجل مسلم فهو يعلم ان مسئول انه يأخذ المسئولية في هذا الوقت وفي هذا المكان لا يأس به - 00:28:16

جميل رقم ثلاثة ان يوسف كان يعلم باعلام الله له انه حفيظ عليم وقد ذكر هذا وهذه ليست تزكية للنفس رقم اربعة اللي في وضع وضع مسل يوسف - 00:28:40

لو انسان مسل يوسف عنده امكانيات عالية جدا وفي مجتمع بعيد جدا عن ربنا ولا يتقي الله له ان يطلب هذا الامر جميل جدا كده وضحت المسألة لكن ما ناخدش الجملة دي ونظل ندخل بقى في صراع مين اللي يمسك هنا ومين اللي يمسك هنا ومين اللي يمسك هنا والكلام ده - 00:29:01

آآ فكرة الانسان يطلب وظيفة لا عادي جدا لا انا اطلب وظيفة لان ده ليست طلب صداره. انا بقدم فان انا لي ان انا ارفضها وخلاص اترفض لكن ان في واحد يقول لهم انا اللي مسؤول وانا اللي هعمل وانا اللي كذا وقاعد لا واحد بيقدم وهو بقى بيوافقوا ولا ما يوافقواش - 00:29:25

فده امر اداري محضي يا عمر ناشدتك الله الا تفتني فغضب غضب عمر طب عمر ليه ممكن يكون غضب ليه ممكن يكون عمر غضب ما رأيك؟ عمر ممكن يكون ايه اللي خلاه يغضب - 00:29:46

قال ويحكم وضعتم هذا الامر في عunci ثم تخليلتم عنى انتم جاينين ثبتونى في الموضوع ده وتسيبونى والله لا ادعك والله لا ادعك ثم ولاه على حمص وقال الا نفرض لك رزقا؟ يعني نسيب لك راتب خاص - 00:30:09

قال وما افعل به يا امير المؤمنين؟ طب اعمل به ايه فان عطائي من بيت المال حقي من بيت المال يزيد عن حاجتي قال له لا انا معى ما يكفياني واللي انا باخده من - 00:30:36

يعني زي ما انت بتاخد ايه؟ من مصلحة تانية. فقال له انا اللي باخده من بيت المال خلاص مكفييني فانا اعمل به ايه؟ عشان اخد على حمص. اخد حاجة زيارة - 00:30:51

احنا النهاردة في الاعمال التطوعية احيانا وفي البيانات القرآنية والكلام ده يقول لك ايه انا عندي نص ساعة دوام اضافي انت مش حسبتني عليها وعندي مش عارف ايه في كذا وتلacci القيم المادية دي بدل انا ما بقولوش ان الاداريين والمشرفين يسيبوا الناس ديت لا لابد ان يتقووا الله - 00:31:02

يكفوهם ويعطوهם احتياجهم يعني زي ما بنقول ان انا ما ينفعش ادنى ادقق بنقول للمشرفين سدوا الناس احتياجاتهم واتقووا الله فيهم فهنا عمر لما قال له كده هو خلاص وافق ومضى الى حبس. ما هو الاقليل حتى حصلت مشكلة كبيرة جدا - 00:31:24

بوفد على امير المؤمنين بعض من يثق بهم من اهل حمص. فقال لهم اكتبوا لي اسماء فقرانكم حتى اسد اح حاجته يقول لهم ايه؟ ادوني الاسماء بتاعة الفقراء عشان ايه - 00:31:44

فرفعوا كتابك فاذا به فلان وفلان وسعيد بن عائشة فقال عمر ومن سعيد بن عامر ما هو يقينا مش هيكون ايه ولي حبس فيقول لهم مين سعيد ابن عامر ده - 00:32:05

قالوا اميرنا ايه ده اميرنا ده بيبقى احيانا فيه وجبات جاية فبيقول لك وجبة الشيخ الناحية دي يكون مش عارف في هدايا جاية هدية الشيخ الناحية دي ده الامير قال ومن سعيد بن عامر؟ قال اميرنا - 00:32:22

سبحان الله محمد كان يقول اللهم اجعل رزق ال محمد قوتا كان لا يأكل الا التمر والماء واحيانا كان بعض الاشياء النبي صلى الله عليه وسلم ازا انت يأكلها وخلاص - 00:32:44

معنى كده ان احنا نسيب اللي في ايدينا ما بنسيب في ايدينا بس يا جماعة ازا قدر علينا شيء ان نكون لدينا السلامة والنفسية الهدافية خالص انا نقلها قال اميركم فقير - 00:32:57

عمر لما استغرب بيدين قالوا نعم والله انه لتمر عليه الايام الطوال ولا يوقد في بيته نار يعني ايه نار يعني المطبخ مش شغال. التنور

مش شغال. الفرن مش شغال - 00:33:10

يعني ما فيش بطاطس باللحمة وما فيش الحاجات دي. بقول لك ما فيش نار فبكى عمر حتى بللت دموعه لحيته شوفوا يا جماعة رقة قلب الصحابة رقيق القلب عمر. عمر اللي هو موقف فارس والروم مع من النهر مخلיהם مش عارفين يعدي عارف يتحرك -

00:33:29

ويجي في موقف زي كده بيكي اصل انا اصلا بغضب على طول اصل انا دموعي بعيدة اصل انا قاسي القلب. يا جماعة دي حاجات احنا بنضحك على انفسنا فيها بسبب القسوة اللي جوانا - 00:33:53

لكن عمر الشدة بتاعة عمر احنا بعضنا الشديد ماسك شدة عمر. طب ما تمسك قلب عمر وامسك دموع عمر. ما تشووف دموع عمر عاملة ازاي هتشوف قلبه عامل ازاي؟ ما تشووف الليل بتاعه وهو بيقول ان نمت بالليل اضعت حق الله - 00:34:05

ما تشووف الحاجات دي ولا احنا نمسك الشدة بتاعة عمر وخلاص؟ خد عمر على ايه لشموليته فسبحان الله فبكى عمر حتى بللت دموع لحيته وكأني ان هو مشفق ومبسوط هم دول رجالتك - 00:34:19

ثم عمد الى الف دينار فجعله الى سرة وقال اقرأوا عليه السلام مني وقولوا له بعث اليك امير المؤمنين بهذا المال ل تستعين به على قضاء حاجتك فيبيقول له اقرأوا السلام مني - 00:34:37

وقولوا له بعث اليك امير المؤمنين بهذا المال ل تستعين به على قضاء حاجتك والله انا انا بحاول ويعلم الله هذا ان انا ما اعلقش على الحاجات كلها. بحاول امشي كده عشان يعني - 00:35:01

القصة تخلص بسرعة والوقت ما نزودش عليه جملة جاء الوفد لسعيد وجه معهم السرة فنظر اليها فاذا هي دنانير فجعل يبعدها عنه وهو يقول انت عارفين يعني ايه ميت دينار - 00:35:20

عارفين يعني ايه ميت دينار؟ الدينار اربعة جرام وربع دهب مية في اربعة جرام ربع دهب. يعني احنا بنتكلم تقربيا داخلين في يعني اكتر نص يعني نص كيلو لحاجة بسيطة - 00:35:38

شوفوا سبحان الله طب ما ايه رأيك آانا قلت الف دينار معلش مش مية الف دينار ده هنتكلم في اربعة كيلو وربع بشووف اربعة كيلو دهب وربع انا لو مكان سعيد - 00:35:55

نتصدق بالربع يا سيدى لا عشان انا سعيد ولية حمص تصدق بكيلو دهب وتلاتة وربع بقى نشووفوا ايه؟ نشووفوا انه ايه؟ ام سعيد عاوزة ايه يمكن عاوزة بقى نعمل بستان هنا نعمل كمبوند في اخر الحمص كده نخلي الاولاد برضو ايه عشان يتعلقو ويبقى برد وعدهم القوة والامانة. يركبوا الخيل - 00:36:12

ويرتوا يلعبوا بالسهام عشان برضو يستعدوا للجدال للجهاد. هو فعلا هيستعدوا للجدال فيا سبحان الله ونعمل كده ايه حاجة كده ما بير كده ونجيب لهم هملاحة دابة بنت لابون كده تجري اه ويلعبوا بها وبتاع ويأخذوا على الابل - 00:36:33

ومش عارف ايه ونجيب لهم شوية خرفان ويببدأوا يتعلموا الدبح والدنيا تمشي ازاي؟ عاوزين جنينة كده يكون فيها ايه؟ الدنيا دي كلها. وهي لله هي لله ال حمص ولا للجاح - 00:36:52

المهم جاء الوفد سعيد تعالى يبعدها عنه وهو يقول انا لله وانا اليه راجعون في مصيبة اه يا جماعة المصيبة الحقة هي المصيبة اللي في الدين احنا بنقول الجملة دي امته - 00:37:05

لما واحد بيأخذ خربوش في ايده في واحد راسه تتصدع واحد النتيجة بتاعته يعني شايل مادة ولا اتنين ولا شال مادة يعني نجح وساب الباقي كله المهم هو قال ايه؟ عشان كده يا جماعة الصحابة سبظلوا هم صحابة - 00:37:26

واسوا حاجة ممكن حد يعملها معك ان يقطع وصلتك بينك وبين الصحابة لان هم دول الجسر اللي يوديك على محمد على طول هم يا جماعة الدين ناس اللي احنا بنتكلم فيها دي. يا جماعة دي ناس - 00:37:45

في كتاب شف القرآن واحد العظمة ازاي الناس دي منتشرة جدا في القرآن ربنا يطرب القول ويقول رضي الله عنهم ورضوا عنه فشووفوا المعنى ده لازم يدينا انك مستحضره. القرآن يا جماعة مليان احداث خاصة بهم هم. الاية دي نزلت فيه هو والايota دي نزلت

في والدته والالية دي نزلت - 00:38:02

ادفع عم ووالاية دي نزلت في الجامع وهم قاعدين والالية دي نزلت وهم ماشيين مع النبي. حياة مختلفة تماماً فعشان كده فان امنوا بمثل ما امتنتم به انك دايماً تقرأ اعلى الكتب في التراثية انك تقرأ في سير اعلام النبلاء. تقرأ في النبلاء دول - 00:38:22
تلاقي قلبك كده بدون دروس تراثية قلبك بيلط السمع هو بيقول ايه؟ انا لله وانا اليه راجعون كما انما نزلت به ايه؟ النازلة ديت. لما حضرت الدنارج هو خايف ان دينه يتبع - 00:38:39

ادينه يتبع زي سبحان الله كنت آآآ في اخ كده آآآ فاتح محل حلاقة. فيبيقول لي بيسألني بيقول لي انا دلوقتي بالنسبة للحمة والبقرة
فقلت له لازم يكون سنتين قال لي طب سنتين - 00:38:54

الافقال لي يا شيخ لأننا عاوز الحاجة تبقى انا انا كده خلاص انا كنت عاوزها بقرة بس البقرة اللي هي اصغر من سنتين بتبقى لحمها
حلو اللي بعد سنتين بيقولوا تبقى اللحمة تقيلة شوية وكده. قلت له والله بصل الحاجات ديت انا مش عميق فيها - 00:39:11
المهم قابلته امبارح بقول له عملت ايه فيبيقول لي ايه بقى وقل لي انا قلت خلاص هجيب اللي فوق سنتين ايا كان البتاع ايه. بس
عاوز اه اتفقتو مع مش عارف مع مين هيجيبها لي بطريقة معينة فقلت له انت ليه يا عم اللفة الكبيرة - 00:39:29

فيقول لي ايه بقى يقول له اصل انا من الاخر يا شيخ عاوزها تكون عدت سنتين بصل حمتها حلوة فيقول له انت هتفرق معك اللحمة
هو بيقول لي اصلاً اه هو ما بياخدش الا كيلو ولا اتنين كيلو. قلت له انت مش فارق معك اللحمة؟ قال لي اه مش فارق معي - 00:39:45

بس انا عاوز الفقير اللي ياخدها ويجي يدوقها يدعني لي دعوة تحل لي حاجات كتير جداً في حياتي فانا عاوز اكله لحمة نضيفة يا
نهار ابيض انت بتدور على الجمال ودقة اللحمة - 00:40:00

وقادع عمال تدور يقول لي انا لازم اروح اشوف الجزار اللي هيدبح واسوف الاكل اللي بيقدمه. لو الاكل بتاعه مش نضيف ما اخدش
منه علوا ليه؟ يقول لي لا انا يا عم الشيف الحاجة دي بتاعة ربنا. على فكرة يا جماعة ده حلاق - 00:40:19
آآ بيقول لي انا دي حاجة ربنا لازم تطلع صح انا لو حاجتي انا هجيب لحمة من اي حنة. قال لي ما انا هشتري لحمة عادي.
لكن دي طالعة ربنا لازم اطلعها صح - 00:40:37

القصص دي بقى هو كده هو برضه في ناس كتير كده زي ما بقول لكم كده ان سعيد ابن عامر دي قلوب فوق وهو يخاف ان الحاجة
ديت تفتح معه توديه في حنة - 00:40:50

تانية خلاص فيقول فلما قال انا لله وانا اليه راجعون فهبت زوجته مزعورة وقالت ما شأنك يا سعيد امات امير المؤمنين ما هي عارفة
ان زوجها اما يدخل كده البيت يقول انا لله وانا اليه راجعون. فتقول له ايه؟ خصم منك حاجة النهاردة؟ حد خبط العربية - 00:41:02

حد مش عارف ايه حد قال لك كلمة لكن هي عارفة زوجها عم بيبيقى متضايق بيقى في حاجة مرتبطة بالاسلام قالت له امات امير
المؤمنين طبعاً بعض الناس ممكن يحس ان احنا عندنا مبالغة شديدة قوي والله العظيم والله وبالله وتالله لن تفهم وانا هفهم - 00:41:26

بكرة اما كلنا ندخل تحت في التربة. كلنا هنفهم ان احنا كنا مبالغين ولا ده كان المفترض هو ده ان احنا ما نعيش الا فيه فقال اماتا
بتقول له امات امير المؤمنين؟ - 00:41:47

قال بل اعظم من ذلك. يا نهار ابيض اعظم الاولين ايه؟ الايد لا اعظم من امير المؤمنين ايه اللي ممكن يكون اعظم ان مسلاً المدينة
احتلت ما هو خلاص بقى بتقول لي اعظم من ذلك ان في حد من الكبار ارتد مثلاً - 00:42:00

دي حاجة ضخمة قالت له او اصيي المسلمين في واقعة قال بل اعظم من ذلك لأ بقى انت كده ايه واضح ان الموضوع في حنة تانية
خالص وايه اللي ممكن يكون اعظم من ذلك - 00:42:17

يا جماعة الجماعة بتعود اهم حاجة احنا اهم حاجة احنا رايقين ملناش دعوة بغيرنا اسمعوا شف بيقول ايه قال دخلت علي الدنيا

لتفسد اخترتي وحلت الفتنة في بيتي يقول لها خلاص الدنيا راحت - 00:42:36

انا قدامي حاجة ممكן تضيعني. يا جماعة هم كانوا بيتعاملوا. بصوا يا جماعة انت دلوقتي لو داخل البيت كده لقيت واحدة بتمن
الجرس دليفرى مسلا انت طالب بيترزا ولا اي حاجة لقيت واحدة لابسة لبس كاشف جدا جدا حاجة صعبة - 00:42:58

خاص وبتبسم به كده للمهندس عبدالرحمن احنا بنحب جدا حضرتك وجايبيين لك مش دي فتنة داخلة في بيتك صح؟ فانت بتترعب
فيتقول ان هو بي Shawوفها كده برضه هو بي Shawوف ان الحاجة دي اه ما الحال وكل حاجة ونعم المال الصالح بناع بس عم بيقى حاسس
ان ده احتياجه هو احتياجه يعني عاوز يأكل ويشرب الحمد لله بيأكل ويشرب واولاده - 00:43:12

ومرتاحين وولاده مرتاحين. فاما يلاقي مرة واحدة كده ثلاثة اربعة مليون دخلوا عليه انت قلت ما انا هعمل معلق مع والحمد لله وانا
ميسور هعمل بهم ايه؟ هيشغلوني ويودوني في حته معينة وانا ممكنا - 00:43:35

يعني هو حال اه بس هو قلقان ليكون ده جسر يوديني في حته تانية مش هيفهم الكلام ده الا اللي هيدخل قبره او دفن حد قريب
ومستوعب الكلام اللي انا بقوله - 00:43:47

ليه بقى؟ ليه انا بقول الجملة دي كل شوية؟ لانك انت لما تدخل قبرك مش هتدخل التلاتة مليون معك لكن هتدخل الحاجة اللي انت
عملتها بمية جنية الحاجة اللي انت استفدتها واستثمرتها واستثمرت فيها هي دي اللي هتدخل معك - 00:43:59

فريعميت خسميت سبعيميت كيلو دهب اللي برة دول مش داخلين معك. فعشان كده انت هتفهم كلام كوييس وفهم سعيد. طب احنا
ما لناش دعوة. احنا بنحكي قصة سعيد. احنا ما لنا ومال القصة ديت. احنا بنحكيها حاجة من الزمان القديم - 00:44:15

يقول دخل دخلت علي الدنيا لتفسد اخترتي وحلت الفتنة في بيتي قالت تقول له ايه بقى يا اخي الله يهديك يا اخي انت دايما كده يا
اخى والله العزيم انا قلبي شف امال يدق. حرام عليك اللي انت تعمله فينا ده - 00:44:28

اه ده! دي طريقة دية انك تهزر معي ولا تقلش حرام عليك ليه انت بتعمل كده يا سيدى انت ما لكتش دعوة مش هي الدنيا اه دخل
علي الدنيا. مش هي خليك يا عم سبك من الدنيا هات الدنيا انا انا بموت في الدنيا دي - 00:44:45

ما كنتش تبقى مراته يا جماعة ما هو الناس ديت يا جماعة ما هو دول مش هيقعوا في دول مش هي ديت اللي ه تكون شايفه دايما
يقول لكم ايه؟ خدوا حد - 00:45:01

متفق في اهدافك ويدفعك في اهتماماتك قال التخلص منها بس يا جماعة هي لا تدري تفاصيل الدنانير على طول بس هي واحدة
على ايه فتنة؟ اه اقلب طب اسمع العرض بقول لك اقلب. يا عم اسمع العرض بس. انت لسه انا بقول لك في عرض جاي لك باقول لك
اقفل الباب - 00:45:11

ويحك انك انت افتحت لي قال وتعيني او تعيني على ذلك؟ طب انت هتعيني يعني قالت له نعم اعينك على ذلك قال فاخذ
الدنانير فجعلها في سرر. لا يلا كده افتحي كده يلا ما شاء الله. يلا هاتي الشوال وبدأ يرمي الاربعة كيلو - 00:45:35

وبدأ يجيب لها سرر كده ويلا باسم الله سم وزعها على القراء المسلمين انا بحس انا لو كابتن مراته يعني وانا قاعدة طب ناخذ
السرتين دول كده على جنب عشان نلاقي صهيب - 00:46:00

بكرة يكبر صهيب دلوقتي عنده اربع سنين عشان مستقبله انت عارف صهيب عمال بيقى عنده اربعة وعشرين سنة هيبقى عاوز
يتجوز السرة دي تنفعه اخذ الدنانير فجعلها في سرر ثم وزعها على فقراء المسلمين - 00:46:11

ده كان موقف واحد من اللي حصلوا في حمص. هو قال له ما تفتنيش من الاول قال له انا عارف نفسى وانا مش في الدايرة دي في
موقف تاني وتالت هيحصل معاه موقف غريب جدا جدا هيحصل تاني - 00:46:29

طب الموقف ده ايه هو ده اللي هنقوله المرة القادمة ان شاء الله. فسأل الله سبحانه وتعالى ان يحفظنا واياكم. ويقبل منا ومنكم
صالح الاعمال. جزاكم الله خيرا - 00:46:44